

VENDIM
Nr.69, datë 19.10. 2006

PËR DISA NDRYSHIME DHE SHTESA NË “RREGULLAT PËR PROCEDURAT E LICENCIMIT, MIRATUAR ME VENDIMIN NR. 37, DATË 9.7.2004”, DHE NË “RREGULLAT PËR PROCEDURAT E LICENCIMIT PËR NDËRTIMIN DHE SHFRYTËZIMIN E CENTRALEVE ELEKTRIKE ME KAPACITET TË PËRGJITHSHËM JO MË TË MADH SE 5 MW DHE PRODHIMIN E ENERGJISË ELEKTRIKE NGA KËTO CENTRALE”, MIRATUAR ME VENDIMIN NR.44, DATË 14.10.2004

Në mbështetje të nenit 9 pika 3 të ligjit nr.9072, datë 22.5.2003 “Për sektorin e energjisë elektrike” dhe nenit 24 të “Rregullave për procedurat e licencimit”, miratuar me vendimin nr.37, datë 9.7.2004 të Bordit të Komisionerëve të ERE-s, Bordi i Komisionerëve të Entit Rregullator të Sektorit të Energjisë Elektrike (ERE), në mbledhjen e tij të datës 19.10.2006, mbasi shqyrtoi propozimin e paraqitur nga Departamenti i Çështjeve Ligjore dhe Marrëdhënieve me Publikun, për disa shtesa dhe ndryshime në rregullat e procedurave të licencimit dhe në rregullat për procedurat e licencimit për ndërtimin dhe shfrytëzimin e centraleve elektrike me kapacitet të përgjithshëm jo më të madh se 5 MW dhe prodhimin e energjisë elektrike nga këto centrale,

VENDOSI:

1. Në rregulloren e procedurave të licencimit, miratuar me vendimin nr.37, datë 9.7.2004 të Bordit të Komisionerëve të ERE-s, të shfuqizohen pikat e mëposhtme:

- neni 11 pika 1 paragrafi 13;
- neni 11 pika 1, pjesa “Të veçanta”, për TEC, paragrafi 5;
- neni 11, pika 1, pjesa “Të veçanta”, për HEC paragrafi 4;
- neni 11 pika 2 paragrafi 9;
- neni 11 pika 3 paragrafi 10;

2. Neni 11 pika 5 paragrafi 2 ndryshon si më poshtë:

“Marrëveshjen paraprake me OST sh.a. për lejin e tranzitimit nga sistemi i transmetimit për eksportin e energjisë elektrike”

3. Neni 11 pika 1, shtohet paragrafi me përmbajtjen si më poshtë:

“Marrëveshjen e Koncesionit sipas ligjit në fuqi për koncesionet”

4. Në rregulloren për procedurat e licencimit për ndërtimin dhe shfrytëzimin e centraleve elektrike me kapacitet të përgjithshëm jo më të madh se 5 MW dhe prodhimin e energjisë elektrike nga këto centrale”, miratuar me vendimin nr.44, datë 14.10.2004 të Bordit të Komisionerëve të ERE-s të bëhen këto ndryshime:

A. Neni 8, germa E, pjesa “Të përgjithshme”, paragrafi 14 shfuqizohet.

B. Neni 8, germa E, pjesa “Të përgjithshme”, shtohet paragrafi me përmbajtjen:

“Marrëveshjen e Koncesionit sipas ligjit në fuqi për koncesionet”

Ky vendim hyn në fuqi menjëherë dhe botohet në Fletoren Zyrtare.

KRYETARI I ERE-S
Bujar Nepravishta